



**DEMOKRATSKA
FRONTA**



**SKUPŠTINA KANTONA SARAJEVO
KLUB ZASTUPNIKA DEMOKRATSKE FRONTE
ZASTUPNICA VEDRANA VUJOVIĆ**

Za:

VLADA KANTONA SARAJEVO

Ministarstvo zdravstva

Ministarstvo za nauku, visoko obrazovanje i mlade

Na osnovu člana 212. Poslovnika Skupštine Kantona Sarajevo upućujem:

ZASTUPNIČKU INICIJATIVU

za dostavljanje informacija i iznalaženje rješenja u vezi sa zdravstvenom zaštitom studenata iz Republike Srpske koji studiraju na Univerzitetu u Sarajevu

Ovim putem tražim dostavljanje zvaničnih informacija i poduzimanje konkretnih koraka u vezi sa zdravstvenom zaštitom studenata iz Republike Srpske koji studiraju na Univerzitetu u Sarajevu.

Naime, zaprimila sam informaciju da studenti koji imaju prebivalište u Republici Srpskoj, a studiraju na Univerzitetu u Sarajevu, više nemaju pravo na zdravstvenu zaštitu u okviru JU KS Zavod za zdravstvenu zaštitu studenata Univerziteta u Sarajevu, zbog jednostranog prekida sporazuma/ugovora od strane Republike Srpske.

S obzirom na ozbiljnost navedenih informacija i njihov direktan utjecaj na prava i sigurnost studenata, molim vas da mi dostavite sljedeće:

1. Zvaničnu informaciju da li je postojao sporazum/ugovor kojim je bila regulisana zdravstvena zaštita studenata iz Republike Srpske u JUKS Zavodu za zdravstvenu zaštitu studenata Univerziteta u Sarajevu;
2. Ukoliko je takav sporazum postojao, da li je isti raskinut, kada, na koji način i od koje institucije;
3. Koji je trenutni pravni i institucionalni okvir za ostvarivanje zdravstvene zaštite studenata iz Republike Srpske koji studiraju u Kantonu Sarajevo;
4. Da li su studenti o navedenim promjenama zvanično i pravovremeno informisani, te na koji način;
5. Koje konkretne mjere Ministarstvo zdravstva KS i Ministarstvo za nauku, visoko obrazovanje i mlade KS planiraju ili mogu poduzeti kako bi se osigurao kontinuitet zdravstvene zaštite ovih studenata.

Posebno naglašavam da se radi o pitanju koje se tiče osnovnog prava na zdravstvenu zaštitu, ali i pitanja jednakog tretmana studenata, mobilnosti mladih i nesmetanog pristupa visokom obrazovanju u Bosni i Hercegovini.

Smatram da je neophodno hitno iznaći i privremeno i trajno rješenje kako studenti ne bi ostali bez zdravstvene zaštite tokom trajanja studija u Kantonu Sarajevo, te kako bi se spriječile negativne posljedice po njihovo zdravlje, ali i po akademsku zajednicu u cjelini.

Odgovor na ovu inicijativu tražim pismeno.

S poštovanjem,

Vedrana Vujović s.r.

16.12.2025.